



河汾詩集卷之三

五言律詩一百五十五首

○ 漢江源

在漢中府沔縣金牛驛即古金牛縣南五丁峽內初出為溪

巨峽自天闕峨峨壑冢尋迴還幽谷底清淺漢江源
泉古通元氣根深徹后坤朝宗東去意應不廢晨昏

嘉陵江泛

湛湛嘉陵水沉沉石底明岬翻雲樹影谷響棹歌聲
微冷南風細輕陰暮雨晴應難逢此景還慰遠遊情

嘉陵江雨

官舫泛嘉陵。渾如一葉輕。灘高駭浪急。岼闊漫流停。
山亦無邊翠。人煙幾處青。棹謳高枕聽。竟日雨冥冥。

○ 雨夜宿嘉陵

夜宿嘉陵岼。扁舟雨不收。山雲迷澗壑。林火射江流。
久坐思王事。難眠劇旅愁。所期氛祲掃。走馬上神州。

○ 嘉陵喜晴

不堪蓬背雨。直到天明。乍喜朝雲斂。俄看旭日晴。
林分千嶂秀。山空一江清。泛泛情無極。舟人急櫓聲。

○ 錦城寓館十首

寓館富花竹。書齋夏日長。芭蕉紅錦綉。梔子白花香。
樹密寧知暑。窓閒但覺涼。遠懷雖暫遣。世慮未能忘。
曲迳通幽處。交陰翠竹高。書齋成雅趣。花園愜遊遨。
石甃涵天影。風林作海濤。寧知城市內。清景勝江皋。
細雨過空庭。纖纖草色青。涼風生近戶。淡靄散高冥。
林外鵲聲急。簷前燕語輕。錦城雖可樂。終是念歸程。
當戶海榴樹。紛紛落絳英。竹林新筍出。石砌綠苔生。
小屋知心靜。繁花覺眼明。少陵今已矣。誰與論詩情。
繞屋樹扶疎。窓開一室虛。暑雲開淡薄。涼吹自舒徐。

暫得中情遣難堪百慮俱汾陽春鴈遠消息近何如
佳麗錦官城郊坰面面平江流隨地縹雪嶺易天明
治國思諸葛通渠憶李冰愧無庄濟畧懷古有深情
偶居錦城館還似浣花堂雨過青苔潤風來翠簾涼
竹鳴蕭洒韻花送自然香清興雖無盡鄉心未可忘
紅芳經雨重翠竹引風多生意每如此天心柰樂何
一杯吾自勸隔戶鳥當歌忽起鄉關念條山遠大河
清晨坐書閣初日照花林宿露泣庭竹晴天轉野禽
心無一念雜窓絕半塵侵道理無邊在悠然思轉深

閑坐竹林內風來見穉飄輕烟晴冉冉涼氣晚蕭蕭
易古還宗邵書刪却自堯莫嫌耽典籍清景每相調

有感五首

火發木將燬姦生理自危洞觀千古事深合一時為
往轍既如此來蹤可更追尔心徒自省吾道欲何之
誰使三苗叛深勞

王者師操兵諸將勇轉粟萬人疲行見投戈日還看
奏凱時犬狼何足道雨露本無私
錦里南天外中原北斗邊乘輅孤節遠志

關寸心懸。鴈塞妖應掃。龍沙

駕已旋。忠臣扶社稷。還着祖生鞭。

度官務。剝削不念遠。人窮况復羽書急。時須餽餉供

探兵林莽密。轉粟水山重。指日妖氛掃。車書四海同。

禁闈知無補。江山敢憚勞。運糧民力困。討賊將心驕。

圍解人飢死。蠶窮縣劫燒。貪官能致寇。選牧望

天朝。

錦城館雜題十四首

○竹

誰種庭前竹。蕭森數十竿。高簷晴落翠。虛室晝生寒。
韻喜風前聽。陰宜月下看。莫言家在遠。長得報平安。

○榴

細葉枝枝翠。嬌英朵朵紅。羨看榴有實。不信色為空。
迎夏葵爭發。傾陽意畧同。因之思漢武。花蒲近郊濃。

○芭蕉

弱植亭亭立。新枝旋旋開。自能承雨露。元不混塵埃。
蕊艷抽紅錦。陰長落翠苔。新詩題滿葉。秋意莫先來。

木瓜

窓外有奇樹木瓜枝相交幸自少佳味何由動老饕
香氣頗幽馥鳥聲恒寂寥莫為好相贈却恐報瓊瑤

○ 梭樹

小圃高梭樹亭亭迥出雲近身皮盡古到頂葉纔分
性直鍾元氣根多托厚坤幸茲無剝削生意得長存

○ 筍

為是根延蔓因知筍易生破苔錐快利穿砌角崢嶸
釋解龍蛇蛻稍翻翡翠翎暫應為勁節行復上青冥

○ 梔子

梔子湖湘見重看
在錦城花如梅蕊淡香比木樨清
會取風霜實還看藥餌名
莫嫌滋味苦利益似忠誠

木犀

愛此木犀樹青青長近塔每承朝露重長引夏風來
嘉卉應難得高人喜賸我不知歸去日還得見花開

○ 盆池

圓盆為池底方石為池鉉貯水無多子涵光亦有馬
影垂亭下樹雲度鏡中天好似人心靜森然萬象全

雙柏

北山多古栢。此地少為高。並長階庭下。双承雨露滋。
貞心惟共我。苦意只天知。清影尤宜夏。時來一翫之。

○草

密密庭前草。纖纖每易生。細搖風葉軟。微綴露華明。
生意知無間。乾坤大有情。不除思茂叔。心與共欣榮。

○花臺

臺累層層級。花開種種香。雨過苔色靜。風動樹陰涼。
高下當虛牖。依稀近小堂。讀書頻對此。瀟灑意何長。

○竹迳

竹迳通書室。行來宛轉深。舉頭交翠葉。步履踏清陰。
舊籜頻飄地。新篁亂滿林。好因風涼不斷灑。灑滌塵襟。

竹下四首

翠擁如雲竹。門開一迳深。成林常少日。接葉自多陰。
山鳥時聞轉。風蟬忽聽吟。把書閑讀處。涼籟覺清心。
愛此竹林僻。千竿翠葉交。濕衣清露重。到面好風飄。
旋解龍鱗籜。新抽鳳尾梢。迳幽仍宛轉。聊此慰逍遙。
夜雨來朝歇。閑從竹下行。尚餘零露濕。倍有好風生。
凌亂陰還厚。飄蕭韻自清。獨高君子節。長結歲寒盟。

積雨苔常潤生風竹自涼誰開延客迓舊作讀書堂
魚躍盆池水花傳菟窟香清心時宴坐遠意到羲皇

○ 有悶二首

盛夏不興師如何動鼓輦誕敷今已遠來格爾何遲
火嶺安營苦炎荒轉粟疲會應霖雨降早見洗兵時
五月北風多聲來撼遠柯飄蕭今已甚震蕩復如何
昧昧思嘗膽紛紛謾擁戈唐時洗兵馬誰為挽天河

遣懷

如何三月外猶未得家書為少南來鴈因稀北上魚

謾叨新使節祇想舊田廬旦夕聞消息中懷暫一舒

○ 聞道四首

聞道征苗將長驅十萬兵天威除緜貊妖宿掃撓槍
路闢烟塵息城開子女迎還當布恩信長見八蠻清
大將總雄師三苗勢已衰重圍方解日梗路暫通時
荒破宜興復瘡痍在保綏安邊有長策夷夏樂雍熙
兵勢如破竹長驅甚建瓴已應狂種遁還見鬼方清
恩信更須布干戈可暫停但令疆圉靜休慕簡編青
苗頑從古昔醜類近尤乖月暈城遭困蜂屯路不開

王師天上降虎將日邊來一掃蠻荒靜從容奏凱回
○ 五丁峽在蜀道

巨峽三千里天開幾萬年泉飛林杪雨雲合管中天
一水橋頻渡層崖石亂懸梁州舊禹迹認矣五丁傳

入徐州境

春首及徐方行來道路長殘冰餘積水霽雪帶連岡
遠野通淮甸懸流近呂梁征鞍行可解不日上舟航

古滕薛城

纔過古滕國還瞻舊薛城分封遺壞堞列爵但虛名

冉冉春烟淡悠悠野水清望中今古意信馬獨含情

高郵阻雪河水

淮海連朝雪閩河一夜冰虹橋千里直鯨浪兩堤平
履薄應難渡舟膠不可行會須融皎日波軟半帆輕

○ 登孟城驛樓

驛樓晴望遠漫漫野湖平雪樹連村白沙鷗泛水明
春烟浮近市午日照高城何限船依岬危檣出杳冥

金陵官舍

宛轉橋通水依稀屋近城池塘經雨濁睥睨映天青

檻柳回春色園禽變曉聲官居能有此聊可豁高情

江道士涵碧軒

飛閣環流水層軒面面開虛澄涵倒影淨碧絕浮埃
鏡裏閑雲度潭心爽氣來道人能有此還似小蓬萊

螢

知尔最微細長因腐草生柳邊添个个竹裏亂星星
歲月驚時序乾坤見物情莫言光耀少終是黑中明

樵雲野老

自得山林趣都忘世上名閑尋肥遯侶共作斫雲行

泱泱溪流細葺了了谷應聲偶然值漁者問荅有深情

睡起偶題簡楊彥謚尚書

睡起涼風入空庭過雨餘幾年窓外竹數卷案頭書
欲淡心無競官閑樂自如老知安所寓不復更區區

楊彥謚尚書邀飲

好客楊司寇招邀酒屢傾四筵羅綺食滿座列豪英
壺矢投何急觥觴亂不停猶言情未盡別上水心亭

秋日郊行

野曠天光遠山回樹影分白茅迷曲徑黃葉映孤村

樵唱因風迫漁歌近水聞寒塘留飲馬鳧鴈下秋雲
秋日遣興

鴈過江雲冷蛩吟夜月涼菊黃因冒雨草白為經霜
幾日又重九一盃還異鄉悲秋有餘興凜凜獨難忘
秋日山中

林下斲靈藥山光清客心秋花眠野鹿古木聚寒禽
澗水皆遺響樵歌盡好音涼颼動岩壑天亦助清吟
溪上

烟雨垂楊岸風沙芳草洲蟬聲連暮色魚影漾清流

橋憶當年渡山憐舊日遊滔滔東逝水三歎不能休

○宿溪店

水店寒烟淨柴門月色新露棲幽樹鳥方語異鄉人
夜氣侵蘄簟秋風冷葛巾促裝待明發揮策走紅塵

遊盤山寺

秋高遊古寺俯仰興悠悠塵土禪燈暗龍蛇畫壁幽
草深埋古砌天闊敞層丘欲問無生滅寒泉晝夜流

晚過田家二首

騎馬到田家柴門逐徑斜堂深喧乳燕林晚亂栖鴉

香稻偏勞勸村醪不用賒醉歸迷遠近烟雨遍桑麻
屋背明斜日林梢交遠風柴門深掩映草迳曲相通
客似問津者耕疑沮溺翁由來愛淳朴欲別更從容

秋雨

連日秋陰重山城暗不開行雲高復下飛鳥去還來
林晚風凋葉庭幽雨長苔夜闌眠未穩秋思浩難裁

秋日懷李太守三首

瀟瀟連日雨聲送早寒多秋意已如此交情今若何
蟪蛄當晚織鴻雁候晴過為感別離久臨風聊一歌

之子別已久西風生早寒啼蛩連夜榻過鴈滿雲端
舞憶燈前樂歌憐醉後歡只今情寂寞惟取遠書看
不見謫仙父徘徊欲暮秋共衾思夜寢携手憶朝遊
城郭砧聲動關山月影浮幾時同對酒還為解離憂

秋日過魏希文所居

到子幽栖處忽連意有餘呼童摘林果引客看園蔬
庭晚清風度天高白露初靜中多樂趣欲別重躊躇

九月雜詩五首

幾年逢九月作客薊門時魚鴈懷鄉信風霜任土宜

河漢詩集卷之三
一
紉蘭常滿佩採菊動盈枝歲歲憐佳節長吟有所思
秋庭林影薄落葉正紛紛蔓草滋蘭畹寒鴉雜鴈群
高天霜氣肅遠谷夕陽曛千載東籬客南山挹晚芬
九日無風雨登高散客情每憐心浩蕩頓覺眼分明
氣豁金天迥霜涵潦水清重岩有黃菊采采嗅寒英
每到重陽日幽懷悄未平少陵寧斷酒彭澤浪逃名
菊愛閑中艷蘭欣靜處榮悠悠千古意彷彿見平生
佳節又重臨年華繫客心新詩酬白壁美酒換黃金
天地凝眸闊風雲入髮深中林有蘭菊可是待追尋

九日同魏希文小酌

暇日猶相憶良辰意更親為君貫市酒就我話天真
黃菊千枝艷丹楓萬樹新醉歸相送處秋色尚隨人

遊慶壽寺二首

久憶遊真境乘閑始一尋入門窺色相到院肅禪心
古桂天風冷名花法雨深及歸西日暝鈴鐸響清音
寶刹壯神州山門景物幽陰廊常少日老樹早知秋
金碧開晴殿琅璫響夜樓不知來往客誰得上慈舟
永樂十七年夏之河南時次妹已適閻族詩以

志別

曉日都門道停驂別所親寧知同骨肉復此異參辰
忍淚相看久含悲顧語頻應須崇令泚持此報慈親

夜泊通州二首

春來乍作客此夕又登舟弱纜維平渚危橋倚漫流
烟波諧夙願風月散煩憂鼓柁明朝去聊為爛熳遊
夜久息囂譁津頭夜景賒天星搖積水波月漾寒沙
但得閑中趣寧辭著處家明朝孤艇發回首望京華

衛河舟中贈汪先生分教陝西二首

詩酒別中州風霜又十秋金臺欣會面衛水喜連舟
細草侵危岬微風起夕流俱為江漢客聊此散離憂
潦洎分離後中間信杳然每思投轄飲常憶抱琴眠
倦客猶孤艇先生尚一羶衛濱欣此會慷慨話前賢

水驛晚泊

水面夕陽盡維舟傍驛樓平蕪双雁遠深柳一蟬幽
鮮鯽柴門市香醪柳岸筇晚涼拚一醉高臥俯清流
夜至武城

星斗轉初更舟行及武城桑麻烟浩渺天水月虛明

波響疑琴韻漁歌作頌聲因思割雞者千載重高名

秋日遊鄆陵乾明寺四首

清絕乾明寺秋來每獨過禪關飄敗葉屐齒印寒莎
龍象懸瓔絡經文譯貝多不知双樹法心印定如何
方丈含秋色禪關掩夕陽雨苔連徑老霜葉遍階黃
習靜心能定談空意不忘高僧愛人客茶罷更焚香
清秋遊古寺心迹兩悠哉草樹山門合丹青殿宇開
淵明渾懶慢惠遠許追陪自此無拘礙真成數往來
我本儒冠者空門偶獨行根塵難斷滅物則自分明

寐感終無異慈悲未可平微言了何益歸讀聖人經

書所見二首

弱柳絲絲嫩芳花灼灼穠春風未九牖曉日在簾櫳
皓齒歌還繫酡顏喜更紅幾多雲雨意都只在巫峯
紫陌春光好金釵作伴遊雨花方爛爛風絮正悠悠
翠幕深瑤席青帘敞畫樓艷歌歡未足白日恐西流

晚泊通州

江市暮喧譁江頭暮景賒雨來雲潑墨風過水生花
歸思隨飛鳥詩情逐晚霞危樯時獨倚隱隱見京華

別焦同年

接武登黃甲
聯鑣覲

紫宸復為千里別
又沐九重恩
報國丹心在
還家

畫錦新應須各努力
終擬畫麒麟

舟中贈別陳州陳先生

同作金臺客
俱為衛水行
並舟江雨細
把臂渚風清
知己憐真率
斯文重耆成
預期分手處
千里倍關情

早發通州

昔日侍親顏
去今承

帝寵歸川流
還浩蕩
城郭尚依稀
野樹團團綠
風帆冉冉飛
壯遊天地內
未覺片心違

舟中即事

舟楫自來往
河流無古今
鷗明常在目
草綠自關心
有客多巴唱
逢人半越吟
倚艫長笑處
風水助清音

舟行

破浪蘭舟穩
牽風弱纜長
錦鱗跳撥刺
白鳥去微茫
危岫草垂綠
回堤花送香
烟波多勝槩
種種獨難忘

過德州

風細浪花浮揚舫過德州關門臨遠岸城郭俯清流
水柵東西戶檣帆上下舟夕陽多故壘回首暮雲稠
大名南舟行

樹影孤村近河流百折長岸頽蒲損綠野靜麥收黃
釀雨雲為墨蒸人汗作漿西山頻入望歸思正飛揚

濬縣即古黎陽

故壘荒烟合蒼崖曉日紅山川新草木宇宙舊英雄
長劍孤舟客危檣片席風經過多感慨懷古思無窮

酌陳廣文送葡萄二首

殘暑秋初熾煩襟正鬱陶忽傳陳掌教來送紫蒲萄
顆顆傾玄露枝枝剪錯刀醒心惟要此何必醉蟠桃
西域千年種君家有幾枝縮風絲裊裊點漆穗離離
素手秋經剪金盤曉見遺顧慚非麴蘖作酒付深期

送郭二尹歸山西二首

相逢復相送奈此別離頻作客嗟予久還家羨子貧
二陵西去路三晉北歸人隱隱征車發秋風起暮塵
山城臨古道秋日送將歸細雨沾行橐涼風動客衣
晉山人去遠汾水鴈來稀我亦還鄉者因之思欲飛

別滎陽諸友

半載客滎邑九秋歸故鄉交朋情最切詩酒興難忘
行色春風裏離筵古道傍分携重回首雲樹晚蒼蒼
新安道中

秋林喜新霽行客正僛僛菊艷重岩蕊花香夾路蒼
函關迎日近澗水背人遙駐馬西風裏山空葉更凋
平陸道中

萬仞蒼崖峻千年澗谷深路危紆客少水碧空人心
林葉風凋赤岩花雨拆金夕陽山寺近霜鐸響清音

歸到

道途倦奔走歸到即安居歲月應無盡山川自有餘
若尋經世策便是治生書千載河汾客後來有弊廬
夏晚縣城上二首

炎暑晚方息高城聊自登山橫絕塞險河入大荒平
遠照含雲塢輕烟下夕汀舉頭姑射近彷彿見蓬瀛
獨立高城上蒼茫望欲迷山河還表裏日月自東西
輸稅人諠渡投林鳥競棲故鄉吾所戀近欲築芹溪
題山水小景四首

隔岸茅茨小臨流水閣高好花嬌翠巘畫舫亞洪濤
隱士應潛豹漁翁想釣鰲平生江海客對此興滔滔
高松晴落影苔石夏生寒野服忘言坐枯桐托意彈
回頭唯綠水舉目但青山此境人稀到南風白晝閑
圖畫當窓見湖山爽氣清遠波微有色落水平無聲
石迳高還下烟村晦復明木蘭舟上客寧肯載同行
水影涵天影沙光亂雪光疎林夾兩岸淡月照孤航
石瘦瀉鳴籟梅清透暗香却憐若耶棹歸思太匆忙

送劉御史

烏臺持斧客此日又歸朝星斗天門近風霜驛路遙
官梅飄朧朶溪柳弄春條想見鷓鴣行舊後容看舞韶
寄謝王徐二廣文

再到鄢陵日中間已二年論心殊歎息對酒共留連
鬢類看松出書窓聽竹眠別來春又暮翹首思茫然
有懷王少府俞廣文

知己今何處歸來興落然誰尋鍾子賞倦奏伯牙絃
碌碌終何益悠悠祇自憐安能生羽翰飛去二公前
雨中遣興

積雨空堂冷終朝有所思多情頻款客無補倦吟詩
蛙吹雖堪厭山光自可怡且須情媚日跨馬信吾之

偶成

自負良不淺孤高空尔為不嫌交態異當與古人齊
翠嶺浮空色青松聳輕姿市沽聊自飲醉識我其誰

熱

火雲濃不雨綠樹靜無風直訝洪鑪力能令金石融
豈無冰溜玉應有雪為風安得真逢此脩然大暑空

市居

偶此住城市其如應接多客來愁寫鳳書罷畏龍鵝
燕乳還知戶蟬鳴亦戀柯幸茲無噂啗儘好慰婆娑

對雨

姑村背城綠汾潢入地流陰雲連日雨風物片時秋
鴻鵠終高去蚍蜉不自謀空堂一樽酒相對興悠悠

西郊雜詠八首

徐步出西郊涼風颯颯飄樹陰交野迤嵐翠薄雲霄
正愛山林好還沾雨露饒官閑數來此詩興日滔滔
城市何嘗雜林垌訪勝遊山青初過雨風爽乍回秋

太史書仍在王通策已休高人無復見芳草自汀洲
教授河汾者如公有幾人薄田應帶雨敝屋自生春
姑射山容翠龍門樹色新昔賢懷未已詩罷一傷神
長年唯宦迹到處是行窩故里青山好連村綠樹多
徜徉聊縱目徒倚但高歌滾滾相逢者都無春夢
悵望好雲峯孤城二水中漁樵無故老芻牧但兒童
禹鑿龍門在商遷雉堞空悠然思往事誰與此心同
潦水添新漲平田入古城山回孤鳥沒日轉亂蟬鳴
霄漢微茫闊奇雲突兀生茂林留客坐酷愛野風清

沙軟歌遊屐林清蔭客衣風蟬高下響露鳥去來飛
瓦缶田家餉圭門野老扉方知太平日村落吏人稀
古壇西去路直北到龍門天日高曦赫雲濤互吐吞
畚田禾秀穎崩谷樹垂根無限山川好詩情孰與論
過閭希載文所居四首

宦迹升沉後歸來樂舊居壺觴酬歲月懷抱富詩書
嘉樹頻勞種蕪葵每自鋤羨公安所遇高節迥難如
野迳秋風裏幽居晚色邊後生慙我劣前輩見公賢
憲紀多遺事循良足舊編聲名三十載此日賦歸田

姑射紆東嶺村居枕北阿賓用秋到少鳥雀暮來多
畎畝還逃厯琴樽亦嘯歌翟公官罷後今日意如何
一室無塵雜翛然靜客襟架書新舊快詩卷短長吟
讀傳懷孤節公家有陳少陽之傳時同閱之觀圖憶古心清貧事事
好寧復問儲金

秋夜

涼思動秋夕閑窓燈影深風傳鐘韻切雨翳鼓聲沉
往事誰同話新詩祇自吟卷書看不置因見聖賢心
秋夜聞鴈

風清鐘鼓夕忽聽鴈聲來此夜傳霜信常年動客懷
影寒秋月靜陣遠曉雲開咲我還如爾閑河去又來

酬韋廣文餞別二首

泮水秋風起蕭蕭落木多華堂集冠佩綺席促絃歌
交契深如此離情遽若何後期應有日紫陌好鳴珂
好在斯文契離筵故故開高風急絲竹落葉滿庭階
自愧頻為客寧辭屢舉盃分携若相憶鴻鴈莫空來

留韻覃懷周汝嘉司訓

兩過覃懷道重來宿子家絲樽傾臘蟻絳燭剪朝霞

正愛詩情好寧知夜景賒却愁清曉別窓月又西斜
榮陽雜詩十一首

榮陽為客久景物稱詩情山作屏當戶溪如玦抱城
交遊存舊好鳥雀變春聲知我者誰子一壺還共傾
大海興唐寺唐高祖所建千年漫不存金仙隨野燼寶刹剝
雲根草長荒臺合塵凝碧瓦昏空門却如此終古有
乾坤

少室西南秀洪河嶺北流誓泉餘隧道分壤有鴻溝
大義乖莊段雄圖跡頽劉千年唯阮籍曾此歎高立

萬山濃潑黛索水翠揉藍為愛入林泉好寧知歲月淹
鳥隨雲共遠春與酒俱酣安得同心者登臨與縱談
索水閑居日京襄獨望時京即大叔所居山高雲出細天迥鳥
飛遲雨潤漸漸麥春浮冉冉絲此生安所遇真宰定
無私

炎劉當草昧曾此駐兵來千載飛龍地猶存繫馬槐
敖山春草合甬道暮雲哀紀信豐碑在論功亦後哉
城南足立窟暇日極追尋淺瀨搖春日危峯散曉陰
燒回原上綠柳入岸邊金無限芳菲節憑誰慰賞心

三度居榮邑千年說項劉力雄能舉鼎心遠解前籌
霸業從茲異威名競莫儔徘徊俱已矣春日在高立
跨馬出南郭悠然四望同山川豫州內人物鄭風中
谷口鶯猶溢岩腰雪半融發生隨雨露何必嘆途窮
雨後西南望山光翠欲流隱遺瞻少室道學仰中州
客路來千里田家老一丘故園頻在目歸思正悠悠
晉山書問少榮水歲時多交態且深淺圭稜還琢磨
携琴臨北岸騎馬上南坡適意有如此誰當舞我歌

遣懷二首

作客又三載為儒濫一名寒温隨節序濃淡信人情
照乘諒可襲鷓夷何足傾

鷓夷常襲以盛酒即鷓夷勝也楊雄氣酒箴云鷓夷滑稽腹大如壺

酣聊縱目天地正崢嶸

一第名偶爾三年客信然空無補人世閑不厭書篇
適意欲忘語得魚還棄筮近來多樂趣花柳滿春田

題常氏莊二首

翠壁兩邊合寒泉一道流石扉林影密洞戶鳥聲幽
洗藥晴還曝攤書晚未收見君清隱處行已厭虛舟
卜築歲時久故應入境偏引泉來澗底栽柳近門前

飯顆炊秋玉茶香煖夕烟辛容營隙地長此共周旋

送蘭先生致仕歸山西

先生年八十優

詔許還鄉祖席臨丹水征驂上太行衣冠新雨露書

劍舊行裝想到家山處桑榆日正長

得似先生者悠悠世所稀一朝辭位去千里載書歸

父老瞻烏帽兒童携綠衣家山好風景遊賞莫相違

歲晚駕言旋離觴惜共傳諸生懷舊德

望主憫高年白屋千章樹清汾二頃田祇應與朋好

來往興超然

河汾詩集卷之三

河汾詩集卷之四

五言律詩一百六首

楊景端山庄三首

聞道樓居好今來始一登身纔迹白日勢已出青冥
遠樹團飛蓋連山列畫屏思鄉異王粲儘可豁高情
到子幽棲處留連不遣歸老親偏愛客稚子鮮牽衣
門巷排青樹簾櫳隔翠微夜深談款語牕月透清輝
綠樹陰陰合清泉泱泱流日光飛迥野山色入高樓
祇道來相訪應須為款留抗言談在昔永夜不能休

栽雙桐樹

自斲雙桐樹分栽院落前此時方拱把他日會參天
好在承清露還應宿紫烟丹山有鸞鳳為尔定周旋

聽雨

坐聽瀟瀟雨那堪耿耿憂幾年歸故里一室寄中州
老母情應切嬌兒想未休待晴須暫往相見豁繁愁

天二首

渾渾勢無涯蒼蒼倚蓋斜晦明成旦夕寒暑作年華
旋轉三辰正變向異物嘉加人心同此大莫為一毫漉

六合無邊際茫茫恣是天神機隱象表妙理會心曰
到底那容說成功不假言人生何所事終日但乾乾
扶先人柩到汾陰葬事甫畢而春雪大作及河
內林生回遂簡奉府庠周秉中司訓先生

到家方幾日春雪滿河關草屨霜痕冷麻衣淚點斑
山川渾似舊歲月忽如閑遠寫終天恨知音為一看
吳孺人挽章

高節知誰似終身不二天脩篁秋更綠老栢苦尤堅
意切和熊處心傷斷織前賢卽今有立紫誥貴幽泉

直沽舟中

潮來兩岸平風順一帆輕海濶浮雲白天低野樹青
久叨持斧客非是棄繻生岱岳行看近秋高試一登
七月七日宿郟城

郟子國中宿高堂蠟炬紅滿林鷺鷥夜鵲繞砌響秋虫
遠意知誰省長吟未許同去年當此夕京國見西風

葭長清

清曉出南郭南行喜有山入林秋霧薄到面水風寒
已覺年華大還應宇宙寬幾回持憲節不改鐵為冠

廬主事具慶堂

廬子古名族幾年家大梁未為觀國士已作奉親堂
喬木侵簷密芳花繞戶香春風長蒲座永日但稱觴
三年迷職潞河舟中作

歲月忽如昨三年又此來水長通御苑山自繞金臺
繆擬傳心學慙無濟世才永懷清不寐終夕望三台
舟中思親正統四年九月二十九日作

三十年前事舟中忽有思老親遊宦日巴蜀泛江時
青嶂兩邊合黃猿萬樹垂只今行海岱忍是受恩私

滄州北舟中作

澶漫滄州北舟行逆水遲連林秋柳瘦接翅晚鴉稀
原野波濤減人家生理微端居對明燭深念莫相違

病齒

病齒經時久憂煩屢攪腸吟哦良覺廢讀誦總相妨
志切風雷益心懲噬嗑剛舌柔無所苦因悟養生方

○賜紗正統七年四月二十日

理寺承恩召官紗被寵光紅酣昇海日濃染自天香
省德知輕重裁衣稱短長章身良自愧何以報

皇唐

賜扇正統七年五月初一日

勅賜端陽扇雲箋五色花動搖煩暑退披拂好風斜

法語真堪畏湯銘恐未加扇兩面所書皆聖賢垂戒之言身心蒙

帝力留與子孫誇

○登州抵福山道中二首

崗嶺高還下入村斷復連波濤風捲雲島嶼日生烟
水壚人間境春融世外天雲霞今古異何處有神仙
正是春光好重來海上行輕鷗連影落旅雁一行鳴

徐市三山棹安期萬古名只今俱泯沒惟見水雲平

送和司訓

秋色滿平陰秋聲處處砧離筵對衰草別路遶疎林
白日青霄迥紅雲紫極深此行應得意早晚報佳音

久雨遣懷六首

客居連市井積雨竟朝昏屋漏頻移榻淚深少出門
颼風侵座冷蒼溜入宵繁賴有詩驅悶無勞問酒樽
秋來常苦雨風氣早生寒小鳥投林急高鳴下食難
奔源淹古道密霧隱前山試誦停雲句中懷獨未寬

連日對秋雨其如客思何泥塗寧出戶流潦歎成河
生菌井闌遍積苔墻角多無由訪知己遣興且吟哦
泥海不可出茅齋靜坐時懷賢尋往傳課子誦新詩
近悟柔為勝深知巧是非雨聲雜涼吹蕭颯發清機
密雨灑如絲涼風散漫吹泥塗殊汨沒茅舍久淋漓
秋意心先得蟬聲耳獨知田家望收穫何日靜雲霓
小窓聽雨坐燈影照孤吟誰識無邊道元同不外心
客襟澄夜氣簷溜滴清音詩就無餘和悠悠思轉深

寄秉中周司訓二首

良夜對床宿清晨送子行西郊雨新霽古道馬頻鳴
抗手別時話揮鞭獨往情相思杳難極鴻雁帶秋聲
過我衡門下秋宵雨歇初繁星隨漢闕明月到窓虛
別數寧辭酒談多不厭書今朝忽相憶陡覺髮毛踈
漫成

客裏經年久交游日漸新名浮真自愧知少不生嗔
大道終非外微言總是真悠然無所競轉覺快心神

陳廣文見訪

愛客情何厚有譽到所居樽醪堆臙蟻盤錯間春魚

雅意忘年契高懷勝日零劇談移永晷未擬促歸途

三衢江處士挽章

溫縣子廉
江司訓父也

處士好靜者放情秋壑間樽前流水遠牕外白雲閑
孫子讀書熟交親禮數寬百年今已矣涼月滿柯山

盧溝橋

沙水相蕩潏晴霄飛彩虹闌干臨極浦華表撼高風
爽氣西山秀祥雲北闕濃南征後此發歸擬駐華駟

入湖南界

行盡中州地湖南境界初漸聞人語異更訝鳥聲殊

溪谷多栽稻家塘盡養魚山村聊借宿風月夜堂虛
應山道中

萬壑嵐光滿曉騎驄馬行茂林交擁蓋脩竹送前旌
到面溪風冷經心石澗清豺狼應遠迹狐鼠不須驚

晚至雲夢

雲夢行者處肩輿趁晚涼稻塍新穗吐蓮沼落紅香
密樹隱茅屋蕪堤繫野航霜臺絕瀟灑容我得徜徉

發雲夢二首

鞍馬幾千里又登雲夢舟天圍平野闊水入大江流

咲傲傾樽蟻微茫聽棹謳往年懷七澤今日遂清遊
昔聞雲夢澤今泛楚人舟地遠烟迷樹湖平浪拍天
南風清憲節北斗燭龍泉頻向中霄望武昌何處邊
舟溯大江西上逢霽景可愛獨酌有作

舟行逢霽景逸興杳難群綠樹江邊影青天水底雲
衆山連復斷双橈合還分自酌金樽酒微吟到半醺
舟發城陵磯

急鼓催舟發依稀見岳陽遠波浮島嶼衆水合岷湘
竹瓦居人閣杉牌賈客房且看風景異未覺遠遊傷

辰溪曉泛五首

沅水一千里辰溪又泛舟山雲和雨暗身世與天遊
已覺雞聲遠惟聞櫓韻幽所經多險涉還似解離憂
湛湛江流碧層層石岸高蠻謳催健櫓瘴雨洒輕舸
自勗冰霜操寧辭旦夕勞五溪山萬疊何處是龍標
怪石雙崖峻秋江一道平榜人皆異語岸鳥亦殊聲
洞戶編茅小蠻舟剡木輕雖驚風土異重喜萬方清
蒼峽幾千尺天開萬古餘波穿石眼瘦舟壓水心虛
歷歷瞻奇秀悠悠想化初所希觀物妙難覓邵堯夫

自有烟霞分觀風任所之洞餘槩紉種江遠伏波祠
秋老芙蓉樹雲深薜荔絲欲知消遠思祇是詠新詩

舟行野湖中

湖水與天平波濤亦何壯我舟駕長風遠破萬里浪
玉節方在斯百恠孰敢傍明登岳陽樓八荒應在望

疊前

少小心好奇斯遊歲方壯雲帆拂遙天畫舫壓高浪
青山歷歷過可見不可傍明泊洞庭湖還當極遐望
舟發長沙四首

曉邇湘江水微風漾碧波好山隨岸遠野燒入林多
往哲題詩處今予鼓棹過年來遊覽數天意遣吟哦
已覺長沙北猶瞻岳麓西天浮湘水闊樹入楚山低
岸芷餘香草叢篁染舊啼昔賢遊覽地我亦為留題
長沙城下驛解纜發扁舟水柵千家市沙村十里洲
喜逢晴霽景况值太平遊憲節叨光寵懷賢獨未休
十日長沙住登舟憶少陵花飛有底急酒美為誰傾
浩浩當年興悠悠此日名幸逢
明盛世持斧故南征

湘鄉道中

湘鄉南去路連日是山行地僻溪潭綠冬和草樹榮
野人懸稻把山家以稻作把蓋懸於架旋取春食古戍列旄旌異俗今如此歸

當話友生

思親

二親俱久世孤子際

明時繆忝風霜任深承

雨露私光榮寧及養劬育竟何為願竭消埃報焚黃
會有期

宿湘鄉道中山亭紀懷

又是山亭宿林巒夜杳冥天臨南嶺近風入北牕清
開卷求心事傾壺蕩客情二親久辭世不寐想平生
沅州新正書景三首

楚南時節異正月似深春傍砌萱苗長臨池草色新
江山晴景媚庭院煖風頻坐惜梅花落題詩憶遠人
頗訝沅州地新正景不同遠山青草瘴深院落梅風
角角尋巢鳥喧喧採蕊蜂春衣初試袂和氣滿簾櫳
楚地春來早群花次第開輕黃舒柳線重碧染莓苔
永日香凝篆和風酒滿盃端居叨
寵渥何以荅涓埃

正月十三日夜書

兩日是元夕山城已試燈謳歌連夜發簫鼓遍街鳴
人喜新風景時逢舊太平柏臺誰是伴梅月正交清
遣興

庭幽多樂趣雨歇愛晴暉綠竹生孫蚤紅梅結子稀
賦詩新有趣讀易漸知幾眼境何空闕看雲天際飛
曉上草閣

通宵雷雨驟曉霽試登樓百鳥聲相和雙江漲合流
寧知異北客來按楚南州滿眼波濤急飄然欲放舟

自喬口溯流往長沙

夢岫無邊翠湘流不盡清香楓屈子賦苦竹鷓鴣聲
風景常年事雲霞萬古情沙頭舊鷗鳥誰肯為尋盟

武口守風四首

連日北風疾江濤拍岸鳴天垂平野月浪颭近船燈
湖與歸心闊秋因客思清不眠聽鼓角高枕念

王程

武口叢祠下維舟幾日餘北風增駭浪河客念歸途
水遠浮三蜀烟長暗五湖江村秋雨裏難覓酒家壚
歸思方正切北風何太狂江村平隱見湖樹遠微茫
浪起魚龍伏天低鵝鷺翔貂裘思更著秋雨早生涼
繫舟楊柳驛風雨苦連朝遠岸烟埋樹荒村水沒橋
年華心老大湖海興蕭條天意何留滯應憐望國遥

舟中偶成

舟中如斗室坐臥覺心清閉戶嫌風冷推篷愛日明
偶思前世事因見古人情自顧知何益詩書浪得名

漢江曉泛

城下扁舟發清江宿霧消竹村迎岸出粉堞背人遙
神女無消息明珠久寂寥鹿門看漸近蒲耳颯清飈
洞庭雨中作

孤舟行何遲歲晚洞庭雨跳波亂明珠隨風颺細縷
雲霧失君山波浪連吳楚莫唱斑竹枝別思滿南浦

舟中遣悶

五日行不盡洞庭青草寬窳陰連旦夕密霧隱湖山
詩思雖難竭酒壺行復乾孤舟親愛遠何以暫為歡

近日收書漸多戲成一律

元凱真成癖收書日又多靜須頻檢閱忙不廢吟哦
得意欲誰語感懷聊自歌忘形到尔汝膠漆豈能過

武陵曉泛

今朝風日好來泛武陵溪碧水寒依岸蒼林遠護堤
沙光搖野馬人語散鳧鷖二月桃花發還應處處迷

院中遣興二首

為客知應久池塘夏景深圓荷高倚蓋新筍密成林
山鳥因時語陰蟲應節吟乾坤知帝力自許一生心

片雨過山城空堦物意清黃梅拾又落翠蘚踏還生
幾許催詩景無端望

國情蠻方新事少烏府但橫經

夜坐偶書

夜夜燒官燭時時讀我書斗牛双古劍天地一迂儒
郡邑三苗外風霜兩歲餘江湖懷魏闕似覺髮毛疎

舟中作三首

來往雖云數應無愧此江觀書心見獨揉櫓韻聞雙
岸轉山相掩湍奔石互撞裁詩清興發宴坐啓舡牕

石底明皆見清波澹不流幾年烏府客一葉楚江舟
求富知為妄存心得自由所欣安履順未必久淹留
好在黔中地相留過幾年岸經冬嶺樹水宿夜灘船
支枕思前事清心憶往賢一陽看已近吾道故應旋

黔江曉泛

五月蠻江漲官船泛泛輕波光一道白山色兩邊青
只有耽書癖都無報

國能中州有家室終日望歸程

詩禮堂為衍聖公賦

洙泗趨庭日相傳自世家三千惟有敬一語自無邪
喬木參天色倚蘭遠砌花遺風從此地化雨被無涯
崇恩堂為衍聖公賦

赤帝趨

朝日彤庭錫勞時宮壺沾寵渥命服被

恩私遺澤應無竭深榮勉自持高堂書盛事行見被

聲詩

題風木卷為林太守乃考

秋色滿天地寸心將若何行雲寧返迹逝水絕回波

斷織封蛛網殘篇捲蓼莪空餘東嶺樹向夕受風多

臺中歸

習僻已成性於人懶將迎日暮臺中歸掩戶親一燈
但取書咲樂不顧倍重輕自得復誰語茲道將無成

題瞻雲卷

遊子久行役松楸空復情幾經秋草合長見白雲生
水映遙空淡烟迷暮壠平鶴歸華表夜滄海月虛明

癸丑人日立春

人日逢春日韶華此又新暫歸持斧客猶是讀書人

別久交游散年深骨肉親
昇平瞻霽景愛讀書人
國賦詩頻

村居

喬木荒村古歸來遂所居
人情安瓦落機事識舟虛
歲晚霜橫野宵長月照書
心田忍蕪沒不敢廢耘鋤

讀陶詩

靖節一何高理鑒時運表
返耕甘苦飢棄世樂枯槁
所以見諸詩淡泊出天造
掩卷思其人清風起林杪

讀書

俯仰千年道常看萬卷書
髮毛無黑白事業尚鉛朱
庭雨催寒蚤惚風度月虛
撫時寧浪出慨想北溟魚

八月十五夜諸生持酒至二首

憲府乘驄入湖南
仗斧游異鄉饒節序故里忽中秋
白月當空度明河入夜流
諸生勞載酒堅坐看相酬
五見中秋節湘南想北州
忽看今夜月忘却昔年愁
汾水通河漢龍門近斗牛
霜鐘傳永夕高詠未能休

示瑋弟也

大屋星霜久新年雨雪頻
田園知己薄並計可忘勤

喬木宜思祖，雞豚莫恣鄰。東堂花幾樹，應與歲俱春。
聞張侍御鵬舉自憲府陞大理少卿復自大理

陞僉都御史

聞道張公子，頻年被

寵光一清廷，尉法再肅西。柏臺霜絕足，風雲閣高門。歲
月長所期，崇令德汗簡。同者垂芳

夏夜

蕭蕭涼景夕，滿懷詩思生。虫鳴新雨霽，遠颺晚風清。
爽氣淨天極，鄉心對月明。中州知久客，歸興繞滄亭。

寄李司封原德三十韻

磊落青雲士，龍門憶共遊。蒹葭汾水暮，松桂禹宮秋。
架石千尋閣，盤空百尺樓。兩山開翠峽，萬里滾黃流。
弱水崑崙外，扶桑滄海頭。山川窮壯觀，物理入冥搜。
勝地盃同酌，清心道共謀。真傳推舜禹，正學拱軒丘。
每苦紛紛論，誰能坦坦遊。漁伊勞續述，閩建得尋抽。
自此陽光發，還應燭火收。劇談憐繾綣，良覩展綢繆。
日月開皇極，風雲會

帝州一官陪舊侶，三後諸前修。待漏金門闕，趨

朝紫氣浮方期醜彩鳳又見從鳴騎盛典旁求達
天書寵渥稠迂喬登粉署時節騁華輶火改時頻易
杓移斗屢周緘書知習坎申意見中孚理大天無外
毛輶德可傳繆推追電足深仰邈源舟一別三年久
重来數日留玉瓶携綠蟻珠唾雜銀鈎又是逢離索
那能足倡酬清霜京邸月踈柳禁城溝遠意頻深念
高文可更求士希賢作聖道仰魯傳邠歲月雖云邁
詩書敢自休論心殊未悉短札暫相投

喜雪詩有序

正統四年冬十一月十六日子出按所部時
不雨者殆將兩月矣麥雖出土而根苗浮露
游塵遍野土脉不能凝潤將無以為來歲發
生之機所過居民行商以及部屬之吏咸咸
然有憂色予亦同其憂而時據鞍攬轡閔閔
不忘於道途之間是月二十六日抵東昌之
博平大風連日天微有陰色予意以為將雪
之徵二十九早發博平風止雲合雪遂作中
途雪大作至清平連三日夜雪乃止瀟漫千

里皓然一色由是民吏釋然大悅相賀以豐
年之兆灼灼可驗予亦喜不能已遂賦律詩
三十韻以紀其事是冬十二月朔日書

憶辭歷下日正值仲冬天衢路開晴色城闌散曉烟
地連滄海外山繞岱宗前玉節知頻握鉛刀每學鑄
行行周郡邑納納大坤乾戀

國心如結憂民志自堅風威連月甚雨雪半冬愆細
麥浮乾壤游塵滿大田根亥思潤澤翕闔望開旋行
旅心相語居民慮共煎慳陰嗟甚矣生理卜終焉

忝觀風客深期閔雨賢心搖金匱念切錦鞍韉悵
望雲霞靜驅馳道路偏行臺時徙倚小邑重留連竟
夕寒飈作侵晨凍靄懸自天來素節匝地結冰泉平
野迷霜迹遙山聳白巔影窺瑤水鶴人舞桂宮仙庭
栢欺寒色林花閉曉妍八荒開瑩潔萬象失蒼玄肅
肅氛埃歇飄飄沴氣捐已應消騰藿重覺伏螟蟪節
轉和平候時占大有年玄功歸

紫極上瑞繼青編未紀双莖異雲歌五色鮮鳳麟來
曠遊龜馬出淪漣盛事宜方駕貞符足並肩腐儒叨

際遇 帝力荷陶埴雅頌知非職歌謠竊自傳

歷亭送王秀才

歷下山川秀高亭古制存朱闌環碧沼綺席擁金樽
李杜來賓客機雲列弟昆清言鳴珮玉雅奏雜荒墳
自昔稱名勝于今數大藩雲烟通海島峯嶺接天門
正是霜空肅那堪落葉繁高城連粉堞周道駐華軒
良會今如此高情更可論芝蘭爭奕燁鴻鴈各飛翻
天上歸寧後還來存昨懽

曉出東平州北門十韻

憲節凌秋發城門逼曉開溝長流水去野曠遠風來
跋馬橋頻渡看山客屢回川原行未已齊魯望悠哉

漢檢天門石

天門泰山上峯名封禪者于此

秦碑海岸臺

琅琊臺秦刻石處

淡烟橫曲阜

旭日上蓬萊遺迹懷前古觀風慰好懷衢樽須共飲
井稅不須催每見桑麻野深期祀梓材行歌方自得
前陟更崔嵬

曉登沅州北山頂俯視白雲漉布川谷諸山出
沒其中若瀛海雪濤蕩滴島嶼之狀殊可縱觀
書此以志

嵐靄氤氳重溪行咫尺迷漸登層嶽上始覺衆山低
遠近天無際參差樹不齊川雲平似海石磴峻如梯
日出寒烟外風生碧澗倪異禽和露宿快馬度空嘶
遠目回三蜀高懷遍五溪歸朝誇勝槩沅水有新題
紅白二梅花落戲為一律、

簷外雙梅樹庭前昨夜風新英蕪舊葉墜粉間飄紅
已見苔成錦方疑色是空粧娥初點額舞女欲迷蹤
雨重胭脂濕泥香瑞雪融不知何處笛併起一聲中

喜雨四十韻

天地開

明運風雲各有人道回千古泰氣統一元春合樂來
儀鳳編詩詠瑞麟杞楠求偉器瑚璉重奇珍竊抱風
霜志榮瞻

日月新謬應三鳳薛敢比八龍荀早歲心雖壯中年
學未醇上書希賈誼著論過嬴秦跡忝鰲頭容官為
豸角臣憶從簪白筆寧敢愧蒼旻持節南荒外懸旌
北海濱幾看星轉斗頻見月飛輪疾惡寧留枉存心
但友仁股肱恢漢道耳目廣

虞詢沅澧時新歲衡巫景晏晨驕陽嗟久亢膏澤仰
惟均使者應無色官曹想未循黎元疲畎畝巫覡走
村鄰偏側憂群志安榮愧此身靈幽寧可必衷曲謾
潛陳

帝德深涵物天心遠愛民化機回頃刻沛澤匝群倫
婦子皆宜室兒童總孝親甄陶歸廣大咲語極詳謨
已卜年皆有還應倍盡醇疋羸躋壽域夷獠變儒紳
沴氣全知歇休徵屢覺臻商羊方罷舞尺蠖會求伸
魚目難容偽明珠賴倚真積虔纒曠日志喜不逾旬

野變秋前綠衢涓霽後塵身豐原有數貞勝豈無因
荆佶猶欽鬼黔靈早降神華風人共靡大道子能遵
時譽難稱實佳章枉見申功因篲土積學比大田均
物備應知富神充不累貧詞華兼問晉風雅獨傳邇
自顧心如雜相期德在純後容江漢日行見起垂綸
奉贈禮部儀侍郎致仕歸山東三十韻

海岳鍾神秀乾坤產異人詩書淹歲月文采動星辰
早脫囊中穎榮膺席上珍伊門師道立湖學士風淳
又見三鱣兆俄看尺蠖伸剖符霑雨露典郡出風塵

郭賀宜方駕王成可卜鄰使車容服盛邑里頌聲頻
未了淮南任還為楚徼述廟堂推厚德方岳仗元臣
宣化河山曉觀風草木春再聞持蕩節中復覲楓宸
出納司喉舌周旋領縉紳鸞班

天咫尺羽佩曉璘玳制作煩紬繹儀章在討論簡賢
陪鶴駕奮翼附龍鱗啓沃歸耆艾薰陶總至仁百篇
書進講群聖道前陳謙益師前哲忠勤邁等倫

聖心憂老大

天語降絲綸拜命恩波闊還家書錦新祖筵傾玉笋

歸蓋擁蒲輪雨歇金臺路風生潞水津翠浮蘋浪細
黃起麥波勻野饌供鮮鯽村沽薦紫芹岱雲晴縹繞
海氣曉氤氳喬木尋常蔭泉流取次循輞川曾入畫
綠野舊怡神疏廣休前輩揚侯更後身迹高心愈下
禮退道非貧好結耆英會清名照八垠

述懷贈王惟善司訓五十韻

藍水瀛州北無終剡嶺東風雲連輦轂道里控夷戎
此地棲遲久何年志節通幸陪諸長老繆獎一兒童
茅廷還開塞山泉為發蒙易分天地畫書絕帝王中

麟史尊尼叟葩經仰晦翁典章明制作律呂辨和同
大義煩抽繹微言為琢礫筆揮蛟躍水詩就鳳騫空
勵志看松柏忘情厭蟪蝼一瓢寧是儉駟馬未為豐
顏氏宜儒表相如濫士雄壯懷常慷慨雅興每冲融
豈意辭諸友中間又轉逢別筵看寶劍行色倚雕弓
溪柳高低綠山花遠近紅征車塵在每班馬玉玲瓏
送別情何極分携意不窮離愁雖共切令德各須崇
曠野低田舍山高拱

帝宮載瞻天廣大重視日曛曛五月還南下舟行

氣隆兩堤平駭浪片蓆掛炎風水饌供蒲筍魚鉤截
葦筒貢琛皆大舶牽路盡駑騾已客飲何切吳儂歌
更工相逢殊滾滾去住各忽忽弔古頻搔首懷賢屢
撫躬不談舌喜訥倦聽耳甘聾久客投入境新知慰
我衷卓哉邨魯彥親切聖賢功杞梓承丹漆驂駟受
錦幪翱翔游藝苑挺特秀儒業秋水同心潔春陽比
氣融典謨深渾渾雅頌大颯颯豈是潢池物終為碧
漢鴻扶搖攀月桂步武覲
宸楓壁水淵源久彤池寵渥濃陞辭

天咫尺江渡雨空濛鐸振文風遠經傳道德充
羶寒寧一命鱸兆擬三公盛治歌虞舜精誠祝華嵩
自期遊汗漫每欲上崆峒穴羽聯鵬翼天瓢滴馬駿
切方高士駕繆比小儒忠養德潛玄豹緘言慎殺童
請者垂釣者終見夢非熊

酬李吏部韻

祇是尋章句何曾學聖賢寸心徒炯若兩鬢已蒼然
汎汎應難及區區只自專妙非探月窟蒙有玩山泉
希復勤晨誦多應懶晝眠簞痕似水憲寐帳如烟

正起端烏帽俄承送錦箋騰空蛟勢矯出海蚌珠鮮
述作淹群籍吟哦盡一篇卦看脩省震天悟性情乾
便擬師兼良誰勞說又玄茅心知我塞水智羨君圓
德業勤磨玉功名慎著鞭沉潛知理奧明炳識機先
自是中情固寧教外物遷晴窓看野馬碧漢仰飛鳶
欲識身邊道須知不外天味深玄酒酌聲淡伯牙絃
佳士宜紉蕙高人獨愛蓮化機寧有息雅興自無邊
寶瓚頰金飾羔裘有豹緣翱翔還接翼出入寂差肩
肺腑真傾瀉詩書已貫穿天官留藻鑑匠氏備宗椽

河汾詩集卷之四
九四
規矩成前定方圓自不愆門清真似水道直更如弦
幹有千尋聳金更百鍊堅但教孤節茂羸取大名全
自愧方知學深思未可權交情殊滾滾高論竟連連
尚覺中懷劣難勝外慮牽何時除舊習但日竊陳編
大意全無見幾微恣未研真成誇末學寧敢接先傳
浩蕩乾坤大推遷歲月迤海波應渾渾蠶挹繆涓涓
有蘊川光媚深藏寶氣纏珠還寧實積魚得可忘筌
舊業勞鑽仰新知可棄捐斯文終古在共覩日星懸
河汾詩集卷之四

程